

XORIJIY TILLARNI O`RGANISHDA ZAMONAVIY TEXNOLOGIYALARNING O`RNI VA AHAMIYATI

Kurbonova Shohista Komiljonovna

Samarqand davlat chet tillar instituti 2-bosqich talabasi

shokhistakurbonova05@gmail.com (+998) 990631803

Annotatsiya: Bilamizki, bugungi kunda chet tillarni o`rganish bizga ko`pgina imkoniyat eshiklarini ochadi va dunyo bo`ylab aylanish, turli madaniyatlarni o`rganishga katta yordam beradi. Ushbu maqolada biz zamonaviy texnologiyalar chet tillarini o`rganish jarayonini o`zgartirishda, o`quvchilarga ularning tilga xos bilimlarini oshirish uchun innovatsion va qiziqarli imkoniyatlarni taqdim etishda o`ynaydigan chuqur rolini ko`rib chiqamiz.

Kalit so`zlar: zamonaviy texnologiya, AKT, interfaol metodlar, pedagogika, chet tillar, multimedia, innovatsion texnologiyalar, gadjetlar.

Kirish: Bugungi kunda chet tili faqat ma'lum bir millat madaniyatining bir qismi emas, balki bu ham muvaffaqiyat kaliti va ham talabalarning kelajakdagi kasbining muvaffaqiyatlari manbayidir. O`qituvchining chet tilini o`qitishning eng yangi usullarini, o`qitishning maxsus texnik usullarini bilishi talabalarning bilim darajasi, talab va qiziqishlariga mos ravishda u yoki bu o`qitish usullarini optimal tanlashda muhim ahamiyatga ega. Zero, o`qitish metodikasi oddiy emas, ulardan chet tili darslaridan oqilona va asosli foydalanish o`qituvchidan ijodiy yondashishni talab qiladi, chunki "pedagogika bir vaqtning o`zida fan va san`atdir". Shuning uchun o`qitish usullarini tanlashga yondashuv o`qituvchining ijodiga asoslanishi kerak.

Asosiy qism: Hozirgi kunda ko`pchilik o`quv yurtlarda an`anaviy dars metodlaridan farqli o`laroq AKT dan foydalanilgan holda interfaol metodlar orqali dars jarayonlarini tashkillashtirish joriy etilgan. Bu esa o`z navbatida xorijiy tillarni o`zlashtirishning zamonaviy usullaridan desak mubolag`a bo`lmaydi. Shuni aytish mumkinki, hozirgi texnologiyalar asrida xohlagan chet tillarini AKT orqali o`zlashtirish hamda o`rgatish foydali usullardan biridir.

- Turli multimedialar orqali video, multfilm yoki audiodarslar ko`rish va eshitish mumkin.
- Chet tilidagi turli xil dasturlarni ko`rish orqali o`rganish mumkin.
- CD pleyerlardan ham turli xorijiy musiqalarni tinglab chet tili bilimini yoki talaffuzni yaxshilash mumkin. Shu kabi texnik vositalardan foydalanib chet tili o`rganuvchisi o`quv jarayonini effektiv va qiziq o`tishiga imkon yaratib beradi. Ta`lim texnologiyalari deganda, albatta, o`quv jarayonida turli interfaol metodlar va zamonaviy texnologiyalardan foydalanish tushuniladi. Shu bilan birga, ta`lim jarayoniga innovatsion texnologiyalarni olib kirish yo`li bilan ta`lim sifati va unumdorligini yaxshilashimiz mumkin. Misol qilib aytadigan bo`lsak, dars jarayonida o`qituvchi yoki talaba faqat qo`llanma va darsliklardan emas, balki ham ko`rsa va ham eshita bo`ladigan texnika, ya`ni notebookdan foydalanib dars o`tilsa, dars jarayoni zerikarli bo`lmaydi va bu o`rganuvchini ham o`sha tilni o`zlashtirishga ruhlantiradi. Xalqimizda: "Til bilgan- el biladi" degan maqol bor. Balki, biz yoshlardan chet tillarni o`rganish uchun talablarning qo`yilganligi shuning uchundir. Shu bilan birga, Forobiy, Qoshg`ariylar kabi yetuk ajdodlarimizdan ko`p tillarni bilish va o`rganish bizga meros. Qo`shimcha qilib shuni aytish mumkinki, xorijiy tillarni o`rganib vatanimizning jahon hamjamiyatida o`z o`rnini topishi va uni yana ham kengroq tatbiq etish uchun chet tillarni bilish

dolzarb mavzu hisoblanadi. Vatanimizni jahon miqyosida o`z o`rniga ega bo`lishi uchun ,albatta, yoshlar va ular o`rganayotgan chet tillarning ahamiyati katta.

Xulosa o`rnida shuni aytish mumkinki, hozirda hayotimizni turli xil texnik vositalar, gadjetlarsiz tasavvur qila olmaymiz. Bu rivojlanib borayotgan zamonamizda xorijiy tillarni o`rganish jarayonini qiziqarli va juda samarali usulda o`rganishni tatbiq etish uchun ushbu vositalardan foydalanishimiz, ta`lim va texnologiyalarni hamohanglikda olib borish juda ham ijobiy effekt berishiga aminman.

FOYDALANILGAN ADABIYOTLAR

1. Estling Vannerstal, Maria. 2009. To learn English on the Internet.
2. J.Jalolov „Chet til o`qitish metodikasi”, Toshkent-2012
3. oglu Tojiboyev, I. O. (2021). On the use of modern pedagogical technologies and general grammar in the teaching of English. Science and Education, 2(8), 718-720.
4. 4. Odil o'g'li, T. I. (2021). METHODOLOGY OF TEACHING ENGLISH. World Bulletin of Social Sciences, 1(1), 23-25.

